

# Te mahere ā-rohe o Waitākere Ranges 2020

He aronga poto i tā mātou mahere



## Mihi

E nga pītau whakarei o te waka,  
e nga rau tītapu o te iwi,  
e aku hei māpuna,  
e taku iti e taku rahi,  
koutou kua mahue mai nei -  
hei toka piringa mōku i te ora,  
hei ruruhau i nga hau āwhio o te wā.  
E aku whakakai pounamu, e aku māpihi maurea,  
kia oho te mauri,  
kia māririri o koutou wairua,  
kia hora te marino,  
tēnā koutou katoa.

Tēnei au te noho atu nei i te tihi o Te Pae o te Rangi,  
i tīhore a i te whenua kia kī ake au,  
e koe e te hau o te uru te wawā rā, me te kī mai,  
e kore au e ora i ngā hau kōtiu,  
i āia ai te pūpūtara ki uta.

Nāu nei te tono kia pikī ake au  
i ngā tai whakatū a Kupe  
ki te Waonui a Tiriwhā me te Pae o te Rangi,  
Kia titiro whakaroto ahau ki te maunga o Puketōtara,  
kei raro e rere ana ko te awa o Waitākere  
kei tētahi taha ko Puke Whakataratara,  
kei tua ko Te Whau.

Koinei rā te rohe kāinga o Te Au o Te Whenua  
me te Kawerau a Maki,  
ko rātou nei te whāriki i āhei ai  
te nohoa o tēnei moka o te rohe  
e tini whāioio kua whakakāinga mai.

Kua kōhatu nei nga paparahi ki te whenua,  
i tangata whenuatia ai tātou katoa.

I whaikiko ai te kōrero,  
*“Ko te hapori te tauawhi i te taiao,  
he mea motuhake, rerenga kē.”*

Kia hiwa rā, kia hiwa rā.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,  
[www.aucklandcouncil.govt.nz](http://www.aucklandcouncil.govt.nz) mō te roanga ake o te mahere.

## He kōrero nō te Heamana

*A mate atu he tētē kura, whakaeeke mai te tētē kura*

E ora ana tātou i te wā whakarikarika. I waihangatia tēnei mahere i mua tonu i ngā rā o MATE-KORONOA me te nohonga taratahi o te motu - i te Poutūterangi 2020. Kua hua nei ngā marama kua taha ake, ā, e mārama pū ana - e tino whakahirahira ana te hapori manaaki me te hapori aumangea. Koia nei i ngana te paori ā-rohe ki te whakaū i te manaakitanga - te manaaki tangata, te mākoha, te tauwhirotanga, te poipoi, te tiaki i ērā atu - ki tēnei mahere.

I tērā atu wāhanga tau pōti i tutuki tō mātou tono i te pūtea ki te hoko i te whenua ki 202-208 West Coast Road hei tapawhā tāone e whai ara hīkoi ana ki te Tūnga Tereina o Glen Eden. Kei te mātāmua o ngā whakaaro tonu tēnei kaupapa, ā, ka whakatinanahia tērā kaupapa mēnā ka whiwhia te pūtea tautoko ā-rohe. Ko te mea nui, kua whakamārōhia ngā kaupapa e rua mō te tau 2021 - ngā ara hīkoi me ngā hanganga whakamarutau ki Glen Eden, me te ara eke paihikara e rere ngātahi ana ki Captain Scott Road. Ka hōhā tātou i te pae-tata, heoi, ka nui te painga i te pae-tawhiti ki te hunga nō konei me te hunga whakamahi rori.

Kei te tū kanohi ki te kanohi tātou ki ngā raru āhuarangi, ā, kua tae te wā ki te whakamimiti i ērā raru. Kaitiakitanga – te manaaki i te taiao – te whakahirahira hoki o tēnei.

He whakahirahira tonu, he mea e whakahī tonu, te poipoi i ō tātou rāngai toi. E hiahia ana mātou kia tiakina ō tātou papa tākaro me ō tātou whare kaunihera kia pai ai, kia rere ai ngā kaupapa whakahia iora ki ngā tōpitopito maha o te rohe pōtae o te poari ā-rohe, ā, he pai tō tātou whakamahi i ngā rauemi. Ka whakamārōhia ngā herenga tangata ki ngā wāhi mahi, ērā atu poari ā-rohe, me ngā hoa hapori. He whakahirahira hoki ngā mātāwaka me te mana whenua.

Hei kupu whakamutunga, ko tātou ngā kaitiaki o te Waitākere Ranges Heritage Area. Kei te akiaki te Waitākere Ranges Heritage Area Act 2008 i te kaunihera ki te whakahaere, ki te manaaki i ngā pūnaha hauropi, ngā tupuranga taketake, te āhua o te whenua, ngā whare o te rohe nei. E ai ki te ture rā, me whai whakaaro atu mātou ki ngā tāngata e noho ana, e mahi ana hoki ki tēnei rohe, ūna hapori motuhake, ā, e tika ana kia whai oranga rātou - oranga tangata, oranga ohaoha, oranga-taiao, oranga-ahurea hoki. Ka ngana nei mātou ki te whakatinana i ēnei āhuatanga i ō tātou rohe katoa.

**Greg Presland**



Heamana  
Waitākere Ranges Local Board

## **He whakarāpopotohangā o ngā kaupapa matua o te mahere**

**Whakaotinga tahi: Kei te tiakina, kei te whakahaumakotia te Waitākere Ranges Heritage Area, e whakapakaritia ana ngā hononga ki ngā hapori karapotī**

Ka noho mātou ko ngā iwi ko ngā hapori hei kaitiaki o Te Wao-nui-a-Tiriwa. Ka arotahi atu ki te manaakitanga me te whanaketanga o ngā āhua tuku iho o te rohe pōtae o te poari ā-rohe.

**Whakaotinga rua: Kei te mahi ngātahi tātou ki ngā mātāwaka, ki ngā hoa mana whenua hoki**

Ka mihi atu mātou ki te hononga motuhake o te mana whenua ki te rohe pōtae o te poari ā-rohe, he hononga tuku iho, he hononga tikanga, he hononga ao Māori, he hononga wairua.

**Whakaotinga toru: Kei te mahi mātou ki te whakaute, ki te tiaki, ki te haumanu i te taiao**

E hiahia ana mātou kia tiakina, kia poipoia, kia manaakitia tō tātou taiao me te rohe whānui e ngā tāngata o Tāmaki-makaurau. Kei te hiahia hoki mātou ki te mahi tahi ki te whakaora i te rerenga rauropi taketake.

**Whakaotinga whā: He aumangea, he kaha ō tātou hapori**

Ko te ‘Aumangea’ ko te āhei ki te tū ake anō whai muri i te hingahinga.

**Whakaotinga rima: Kei te rongo ō tātou hapori i te oranga, i te whai wāhitanga me te whakaurunga**

He tino nunui te akiaki me te tautoko i te oranga o te hapori.

**Whakaotinga ono: Kei te whai āheinga whānui te hunga ki ngā toi, ki te ahurea, ki ngā taonga tuku iho**

E mōhio ana mātou ki te kaha o ngā kōrero tuku iho, te toi, te ahurea, ki te whakakotahi i te hapori, ki te whakamana i ngā rerekētanga o tēnā, o tēnā, ki te whakapakari i te oranga tangata.

**Whakaotinga whitu: Kei a tātou te hanganga me ngā ratonga e tautoko ana, e whakamarohi ana i ō tātou takiwā noho, pokapū tāone hoki**

E hiahia ana mātou kia kitea, kia rangona te wairua manaaki i ngā tāone me ngā takiwā kāinga - he mea whakaatu i te mauri tuku iho, te whakahīhī me te taurikura o ngā tāngata o tēnei rohe.

## Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe Waitākere Ranges mai i te 1 Hōngongoi 2020 ki te 30 Pipiri 2021.

Take Pūtea o te Mahere ā-tau	2020/21 (\$000s)
<b>Whiwhinga moni i ngā mahi whakahaere</b>	
Ratonga hapori ā-rohe	774
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whiwhinga moni i ngā mahi whakahaere</b>	<b>774</b>
<b>Whakapaunga moni ki ngā mahi whakahaere</b>	
Ratonga hapori ā-rohe	8,457
Whakarautaki ā-rohe me ngā mahi whakawhanake	282
Ratonga taiao ā-rohe	973
Mahi kāwana ā-rohe	836
<b>Tataunga whakapaunga moni ki ngā mahi whakahaere</b>	<b>10,548</b>
<b>More whakapaunga moni ki ngā mahi whakahaere</b>	<b>9,774</b>
<b>Whakapaunga pūtea tōpū</b>	
Ratonga hapori ā-rohe	2,398
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whakapaunga pūtea tōpū</b>	<b>2,398</b>

## **Ngā Mema o te Poari ā-Rohe o Waitākere Ranges**

	<b>Ngā taipitopito hei toro atu ki ngā mema</b>
	<b>Greg Presland – Heamana</b> Waea: 021 998 411 <a href="mailto:Greg.Presland@aucklandcouncil.govt.nz">Greg.Presland@aucklandcouncil.govt.nz</a>
	<b>Saffron Toms – Heamana Tuarua</b> Waea: 021 322 803 <a href="mailto:Saffron.Toms@aucklandcouncil.govt.nz">Saffron.Toms@aucklandcouncil.govt.nz</a>
	<b>Ken Turner - Mema</b> Waea: 021 066 6262 <a href="mailto:Ken.Turner@aucklandcouncil.govt.nz">Ken.Turner@aucklandcouncil.govt.nz</a>
	<b>Mark Allen - Mema</b> Waea: 021 378 791 <a href="mailto:Mark.Allen@aucklandcouncil.govt.nz">Mark.Allen@aucklandcouncil.govt.nz</a>
	<b>Michelle Clayton - Mema</b> Waea: 027 575 3102 <a href="mailto:Michelle.Clayton@aucklandcouncil.govt.nz">Michelle.Clayton@aucklandcouncil.govt.nz</a>
	<b>Sandra Coney - Mema</b> Waea: 021 446 370 <a href="mailto:Sandra.Coney@aucklandcouncil.govt.nz">Sandra.Coney@aucklandcouncil.govt.nz</a>



---

© 2020 Auckland Council  
Auckland Council, Waitākere Ranges Local Board

ISSN 2253-1173 (Print)  
ISSN 2230-6803 (PDF)

Auckland Council disclaims any liability whatsoever in connection with any action taken  
in reliance of this document for any error, deficiency, flaw or omission contained in it.